

## I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

### INGURUMEN ETA HIRIGINTZA SAILA

**3/2023 Foru Agindua, 2023ko urtarrilaren 13koa. Hasierako onespena ematea ondoko proiektu honen interes publikoa adierazteko espedienteari: katuen gune zoologikoa Zigoitiko udalerriko lurzoru urbanizaezinean, 4 poligonoko 157 lurzatian**

María Elvira Marín Angulok aurretiko jakinarazpena aurkeztu du Zigoitiko Udalean, udalerrri horretako lurzoru urbanizaezinean, Zigoitiko barreiatuen 4 poligonoko 157 lurzatian, katuen gune zoologikoaren jarduera egiteko.

Zigoitiko Udalak espedientea bidali du, eta eskatu du izapidetu dadila proiektuaren interes publikoaren adierazpena, Lurzoruari eta Hirigintzari buruzko ekainaren 30eko 2/2006 Legeak 28.5.a) artikuluan xedatutakoa betetzeko.

Proiektuaren xedea da konpainiako katuak eta behin betiko adopzioaren zain dauden eta sozietate babesleetatik datozen harrerako katuak hartzeko eta hazteko instalazio bat ezartzea. Aurreikusitakoaren arabera, gehienez 60 katu hartu ahal izango dira, batez ere Norvegiako baso katuak eta noizean behin katu europarrak. Jarduera egiteko higiezinan hiru eremu antolatu dira: katu arrentzat, emeentzat eta txakurkumeentzat. Lorategi eta terraza eremuak daude, eta animalientzat erabilgarri dagoen azalera, guztira, 610,70 metro koadro da.

Euskal Autonomia Erkidegoko gune zoologikoei buruzko 81/2006 Dekretuan ezarritako aurre-  
tiazko baimena Arabako Foru Aldundiaren Nekazaritza Saileko Abeltzaintza Zerbitzuan izapidetu izanaren egiaztagiriak aurkeztu dira.

Udaleko arkitektoak egindako txostenean, adierazten da lurzatia "Z5. Nekazaritzako babes zona" kalifikazioa duen lurzoru urbanizaezinean dagoela eta, indarrean dauden udalerrriko arau subsidiarioetan ezarritakoaren arabera, erabilera onargarria dela onura publikoko eta gizarte intereseko eraikuntza, instalazio eta azpiegiturak jartzea.

Aurrekari horiei aplikagarri zaizkie zuzenbideko oinarri hauek:

Ingurumen eta Hirigintza Sailak eskumena du aztertzen ari den espedientea ebazteko, Diputatu Nagusiaren uztailaren 5eko 324/2019 Foru Dekretuaren arabera eta Sailaren Egitura Organiko eta Funtzionala onetsi zuen Diputatuen Kontseiluaren otsailaren 9ko 17/2016 Foru Dekretuaren 18.c) artikuluan xedatutakoaren arabera.

Lurzoruaren eta Hiri Birgaitzearen Legearen testu bategina onesten duen urriaren 30eko 7/2015 Legegintzako Errege Dekretuak 13.1. artikuluan xedatutakoaren arabera, lurralde eta hirigintza antolamenduak urbanizazioaren bidez eraldatzetik babesten duen eta landa egoeran dagoen lurzorian, salbuespen gisa eta lurralde eta hirigintza antolamenduaren legerian aurreikusitako prozedura erabiliz eta baldintzak betez, zilegi izango da berariazko jarduera eta erabilera batzuk legitimatzea, baldin eta interes publikoa edo soziala badute, landa antolamenduari eta garapenari ekarpenak egiten badizkiote edo landa ingurunean kokatu beharrekoak badira.

Bat etorri 2/2006 Legeak 28.5.a) artikuluan ezarritakoarekin, "lurzoru urbanizaezinean ezingo dira gauzatu aplikatzeko den arloko legeriak edo lurralde antolamenduak interes publikoko deklaratuak zuzkidura, ekipamendu eta jarduerak berariaz ezartzeko jardunak baizik, zeinak, betiere, dagokion foru diputatuak ebazpen bidez deklaratu behar baititu interes publikoko, hogege eguneguz jendaurrean edukitzeko izapidea bete ondoren".

Aztertutako kasuan, hasierako onespena izapide bat baino ez da, hots, prozedura bultzatzen duen eta edukia argitaratzea ahalbidetzen duen izapidea baino ez, eta ez du xedatzen, inondik inora, behin betiko onespenerako hartu beharreko erabakirik.

Horregatik, eta dagozkidan eskumenez baliatuz, honako hau,

XEDATZEN DUT

Lehenengoa. Hasierako onespena ematea María Elvira Marín Angulok Zigotiko udalerriko lurzoru urbanizaezinean, 4 poligonoko 157 lurzatian sustatutako katuen nukleo zoologikoaren proiektuaren interes publikoa adierazteko espedienteari.

Bigarrena. Espedientea jendaurrean jartzea, hogei egunez, foru agindu hau ALHAOn argitaratzen denetik aurrera. Epe horretan, nahi duen orok egoki iritzitako alegazioak aurkeztu ahal izango ditu. Interesdunek Lurralde Antolamenduaren eta Hirigintzaren Zerbitzuan azter dezakete espedientea.

Hirugarrena. Foru agindu honek izapide egintza ez kualifikatuaren izaera du, eta haren aurka ezin da errekurtsorik aurkeztu.

Vitoria-Gasteiz, 2023ko urtarrilaren 13a

*Ingurumen eta Hirigintza Saileko foru diputatua*  
**JOSEAN GALERA CARRILLO**